



WALES AUDIT OFFICE
SWYDDFA ARCHWILIO CYMRU

Wales Audit Office / Swyddfa Archwilio Cymru

Dyddiad: 15 Mai 2013
Ein cyf: HVT/1877/fgb
Tudalen: 1 o 2

24 Cathedral Road / Heol y Gadeirlan
Cardiff / Caerdydd
CF11 9LJ
Tel / Ffôn: 029 20 320502
Fax / Ffacs: 029 20 320600
Email / Epost: wales@wao.gov.uk
www.wao.gov.uk

Mr Darren Millar AC
Cadeirydd y Pwyllgor Cyfrifon Cyhoeddus
Cynulliad Cenedlaethol Cymru
Bae Caerdydd
Caerdydd CF99 1NA

Annwyl Darren

Yn eich llythyr dyddiedig 30 Ebrill gofynnwyd am fy nghyngor ar ymateb Llywodraeth Cymru i argymhellion y Pwyllgor ynghylch Cyllid Iechyd.


Yn gyffredinol, mae ymateb Llywodraeth Cymru yn un cadarnhaol. Mae Llywodraeth Cymru wedi derbyn holl argymhellion y Pwyllgor ac mae'n nodi'r camau y mae'n eu cymryd, neu'n bwriadu eu cymryd, i weithredu holl argymhellion y Pwyllgor. Er y gall fod yn fuddiol egluro rhai elfennau o'r ymateb ymhellach, ar y cyfan mae'r camau a'r cynigion yn ymddangos yn rhesymol.

Mae Llywodraeth Cymru yn derbyn yr argymhelliad "mewn egwyddor" mewn tri achos. Dengys y testun sydd ynghlwm fod Llywodraeth Cymru yn defnyddio'r cafeat "mewn egwyddor" i adlewyrchu'r ffaith y bydd yr argymhellion yn anodd eu gweithredu yn y byrdymor. Ymddengys fod hyn yn adlewyrchu asesiad realistig, er enghraifft, fod angen gwneud rhagor o waith i ymdrin â'r bylchau ariannol yn y byrdymor a'r tymor canolig a datblygu ateb hirdymor fel bod Byrddau Iechyd yn gallu bod yn fwy hyblyg yn ariannol.

Fel rwyf eisoes wedi'i ddynodi i'r Pwyllgor, rwy'n bwriadu llunio adroddiad pellach ar Gyllid Iechyd i'r Pwyllgor ei ystyried yn yr hydref. Bydd yr adroddiad hwn yn ystyried sefyllfa ariannol y gwasanaeth iechyd gan edrych ar y sefyllfa ar gyfer 2012-13 a heriau'r dyfodol. Rwyf hefyd yn bwriadu i'm hadroddiad roi cipolwg bras o berfformiad Llywodraeth Cymru yn erbyn ei thargedau â blaenoriaeth ar gyfer darparu a gwella gwasanaethau. Fel rhan o'r gwaith hwnnw, bydd fy staff yn ystyried ymateb Llywodraeth Cymru i argymhellion y Pwyllgor a'm hargymhellion i.

Dyddiad: 15 Mai 2013
Ein cyf: HVT/1877/fgb
Tudalen: 2 o 2

Disgwylir i Lywodraeth Cymru roi diweddariad i'r Pwyllgor ym mis Mehefin. Bydd y Pwyllgor hefyd yn cael budd o'm hadroddiad pellach i'w ystyried yn yr hydref. Felly, rwy'n awgrymu y gallai'r Pwyllgor fod yn awyddus i aros nes bod ganddo'r wybodaeth ychwanegol hon cyn penderfynu ar y camau i'w cymryd, os o gwbl, mewn perthynas ag ymateb Llywodraeth Cymru.

Yn gyin


HUW VAUGHAN THOMAS
ARCHWILYDD CYFFREDINOL CYMRU